

AAQQISSERTIT

Siunnersuut 19. august 2021-meersoq taarserpaa
(§ 1 aamma § 2-mi oqaasertai iluarsineqarput kiisalu § 3-mi aqqiisoqarluni)

Uunga siunnersuut:

**Nappaatit tunillaassortut akiorniarlugit iliuutsit pillugit Inatsisartut peqqussutaata
allangortinneqarnera pillugu Inatsisartut inatsisissaat**
(Inatsisartut peqqussutaata atorunnaarsinneqarnissaanut ullumik allanguut)

§ 1

Nappaatit tunillaassortut akiorniarlugit iliuutsit pillugit Inatsisartut peqqussutaata allangortinneqarnera pillugu Inatsisartut inatsisaanni nr. 1, 1. april 2020-meersumi, (Tunillaassuinerup pinaveersaartinniarnernani siaruarnaveersaartinniarnernanilu aamma sullissiniarnermi pisariaqartitat il.il. qulakkeerniarneranni iliuseqartoqarsinnaanermut annertusaaneq) makku allangortinneqarput:

1. § 2, imm. 3 atorunnaarsinneqassaaq.

§ 2

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-meersumi, Nappaatit tunillaassortut akiorniarlugit iliuutsit pillugit Namminersorlutik Oqartussat nalunaarutaatigut nr. 16, 13. september 2006-meersukkut, Inatsisartut inatsisaatigut nr. 18, 27. november 2018-meersukkut aamma Namminersorlutik Oqartussat nalunaarutaatigut nr. 3, 2. marts 2020-meersukkut kiisalu Inatsisartut inatsisaatigut nr. 1-kkut 1. april 2020-meersukkut allangortinneqartumi makku allangortinneqarput:

1. § 31 kingorna una ikkunneqassaaq:

” § 32. Inatsisartut peqqussutaat 1. juuli 2022-mi atorunnaarsinneqassaaq.”

§ 3

Inatsisartut inatsisaat una ulloq 15. decembari 2021-mi atuutilissaaq.